

IA SAUNIA
MEA TATAU
UMA



O MEA TAUTUPE A LE AIGA

SAVALI MAI LE AU PERESITENE SILI

Uso e ma Tuafafine Pele:

Ua tele tausaga o fautuaina le Au Paia o Aso e Gata Ai ina ia saunia mo faigata e ala lea i le faataatia ese o sina tupe tiiti. O le faia o lena mea e matuai tele se faaopoopoga i le saogalemu ma le soifua sololelei. Ua i ai i aiga taitasi se matafaioi e saunia ai mea e manaomia mo latou lava i le mea e gata mai ai le mafai.

Matou te fautuaina outou pe o fea lava o outou nonofo ai i le lalolagi ina ia saunia mo faigata e ala lea i le tagatagai i le tulaga o a outou mea tau tupe. Matou te uunaia outou ina ia faautauta i a outou tupe faaalu; ia pulea lelei outou lava i a outou faatauga ina ia aloese mai i le aitalafu. Ia vave ona totogi uma aitalafu i le mea tou te mafaia, ma faasaoloto mai outou lava mai lenei pologa. Teu sina tupe e le aunoa, e faifai malie ai lava ona fausia se tupe faaleoleo mo le lumanai.

Afai ua totogi au aitalafu ma ua i ai se tupe faaleoleo mo le lumanai, e tusa lava pe laitiiti, o le a lagona e oe ma lou aiga le faateleina o le saogalemu ma 'ae'ae ai i le filemu sili i o outou loto.

Ia faamanuia outou e le Alii ia outou taumafaiga faaleaiga mo mea tautupe.

O Le Au Peresitene Sili



O FAAVAE O TUPE A LE AIGA

TOTOGI SEFULUAI MA TAULAGA



O le faamanuiaina o mea tau tupe a le aiga e amata i le totogiina o se sefuluai faamaoni ma le foaiina atu o se taulaga anapogi matamau. Ua folafola mai e le Alii e toina mai pupuni o le lagi ma sasaa mai faamanuiaga e tele i luga o i latou o e totogi ma le faamaoni sefuluai ma taulaga (tagai Malaki 3:10).

ALOESE MAI LE AITALAFU



O le laitiiti o tupe e faaaluina nai lo au tupe e maua e taua lea mo lou saogalemu i mea tautupe. Aloese mai le aitalafu, sei vagana ai le faatauina o se fale talafeagai po o le totogiina foi o a'oga po o isi tulaga taua e manaomia. Teu tupe e faatau ai mea e te manaomia. Afai o e nofo aitalafu, ia vave ona totogi uma.

FAAAGO SE PAKETI



Tausi se faamaumauga o au tupe faaalu. Tusi ma iloilo tupe maua ma tupe faaalu i masina taitasi. Fuafua pe faapefea ona faaitiitia tupe e te faaaluina i mea e le taua.

Faaoga le faamatalaga lenei e faavae ai se paketi faaleaiga. Fuafua pe o le a le tupe o le a e tuuina atu o ni foai i le Ekalesia, pe fia o le a e teuina, ae pe fia foi o le a faaalu i meaai, fale, eletise, femalagaaiga, lavalava, inisiua, ma isi mea. Ia pulea lelei oe lava ina ia ola e tusa ai ma le fuafuaga o le paketi. (Tagai i le Pepa o Galuega mo le Paketi o loo i le itulau pito i tua.)

FAAPUTU SE TUPE FAALEOLEO MO LE LUMANAI



Ia faasolosolo malie lava ona faaputuina se tupe faaleoleo mo le lumanai, ma ia tau lava o faalavelave faafuasei e faaoga ai. Afai e te teuina soo sina tupe itiiti, o le a e ofo i le aofaiga na faaputuputu pe a mavae se taimi umi.

AOAO TAGATA O LE AIGA



Aoao atu i tagata o le aiga mataupu faavae o le puleaina o tupe. Ia faaafia ai i latou i le amataina o se paketi ma faatutu ni sini tau tupe a le aiga. Aoao atu i ai mataupu faavae o le galue malosi, faasoaso tatau, ma le teu faaputuputu. Ia faamamafa atu i ai le taua o le mauaina o le aoaoga i le tele e mafai ai.

PEPA O GALUEGA O LE PAKETI

PAKETI MO LE _____
 (masina/tausaga)

TUPE MAUA	FUAFUAINA	TUPE MONI LAVA NA MAUA
Totogi (ina ua aveese lafoga)		
Isi tupe maua		
Aofaiga o tupe maua		

TUPE FAAALU	FUAFUAINA	TUPE MONI LAVA NA FAAALU
Sefuluai ma taulaga		
Tupe teu		
Meaai		
Mokesi po o le lisi		
Eletise		
Femalagaiga		
Totogi o aitalafu		
Inisua		
Togafitiga Faafomai		
Lavalava		
Tupe faaalua i aoga		
Isi _____		

Aofaiga o tupe faaalua		
Tupe maua toese ai tupe faaalua		

- Paketi mo se vaiataimi patino (e pei o le tai vaiaso, tai lua vaiaso, tai masina).
- Iloilo lau paketi e le aunoa.

Asiasi ane i le
www.providentliving.org
mo nisi faamatalaga e uiga i tupe a le aiga.

O LE EKALESIDIA
IESU KERISO
 O LE AU PAIA O ASO
 E GATA AI

